

revifimus, Iacobus Dominus & Rex noster potentiffimus in hunc avitum honorem clariffimum Equitem Henricum Grey reftituit, cum ante inaugurationem illum Baronem Grey de Groby creaverit.

Mont-
Sorehill.

Iam ad *Soarum* flumen regrediamur, qui Leicestriam præterlapfus primum *Montforell* five potius *Mont-Soare-hill*, ex Normanica & Anglica compositione, nomen præbet, quod nunc tantum mercatu celebre est, olim vero celeberrimum caftro in prærupto & confragoso colle flumini impendenti, quod prius Comitum Leicestriæ, postea ad Saherum de *Quincy* Wintoniæ Comitum bello Baronico spectavit, hodieque nihil est nisi rudetum. Anno enim c10 cc xvii post gravem obfidionem captum, incole tanquam nidum diaboli, speluncam latronum & prædonum solo tenus diruerunt. Superius ad alteram ripam est *Barrow*, ubi calx laudatiffimæ firmitatis effoditur. Inde *Soarus* post pauca milliaria in *Trentam* flu. definit, parum infra *Loughborough* mercatorium oppidum, quod unum regnante Maria Baronem Edwardum *Hastings* suo nomine exornavit. Verum cum illa, cui fuerat chariffimus, in vivis esse defuit, ille rerum humanarum pertæsus mundo vivere noluit, sed ut totus Deo vacaret, in Ptochotrophium, quod apud *Stoke Poges* in Buckinghamienfi Comitatu erexerat, secessit, ubi cum pauperibus Deo vixit, & inter eos vitæ cursum pie in Christo confecit. Hanc *Loughborough* Regiam villam Saxonice *Lieganburge* dictam, quam Marianus Cuthulfum Britannis anno Christi dLxxii ademisse tradit, nominis affinitas quodammodo probet. Nunc vero secundum locum à Leicestria inter omnia hujus Comitatus oppida sibi suo jure vendicat, five amplitudinem, five structuram, five etiam sylvarum amœnitatem spectes: sub ipso enim Saltus de *Charwood*, five *Charley* longe expanditur, in quo *Beaumannour* vivarium cernitur, quod Domini de *Bellomonte*, ut accepi, lapideo muro circumsepserunt. Hi ex familia Francica, (ut vulgo creditur) certe Ioanne Brennenfi Rege Hierosolymitano orti, circa Edwardi Primi tempora in Angliam venerunt, & ex nuptiis cum filia Alexandri Comitis *Boghania* in Scotia, cujus marer una erat hæredum Rogeri de *Quincy* Comitum Wintoniæ, ampliffimam hæreditatem adierunt, & in magnam familiam sunt propagati. E qua regnante Edwardo Tertio Henricus per aliquot annos evocatus fuit ad Comitiam Parlamentaria nomine Comitum *Boghania*, & Ioannes regnante Henrico Sexto fuit Angliæ Constabularius ad tempus, & primus in Anglia (quod scio) qui Vicecomitis honorem à Rege accepit. Verum cum Guilielmus Vicecomes ultimus sine sobole obiisset, ejus soror Domino *Lovell* nupta est, & patrimonium postea copiosum ob læsam majestatem in fiscum redactum.

Hiftor.
Minor.

Lough-
borough.

Charn-
wood
Forrest.

Vicounts
Beau-
mont.

Primus
Viceco-
mes ho-
norarius
in Anglia.

Dunnin-
gton.

In hac Septentrionale parte nihil aliud memoratu dignum occurrit, nisi monasteriolum quod virginibus sacris Roisia de *Verdon* posuit, & *Grace-Dieu*, id est *Gratiam Dei*, nuncupavit, & qua *Trenta* allabitur, *Dunnington* caftellum antiquum à primis Leicestriæ Comitibus extructum conspicitur, quod postea fuit Ioannis *Lacy* Comitum Lincolnæ, qui jus fori mercatoriis, & nundina-

Britannia.

rum ab Edwardo Primo huic obtinuit. Verum cum in Baronum proscriptione sub Edwardo Secundo possessiones proscriptæ varie distraherentur, Hugoni le *Despenser* juniore Rex hoc *Manerium* elargitus est.

Orientelem agri partem, quæ collina est, & numerosos pascit ovium greges, exornarunt celebrioris notæ duo præcipua loca, *VERNOMETVM*, five *VEROMETVM*, cujus meminit Antoninus, & *Burton Lazars* superioribus sæculis admodum celebre.

VERNOMETVM, nomine nunc deperdito, eo loci sedisse videtur, quem hodie *Burrow-hill* & *Eid-burrow* vocitant. Inter *VEROMETVM* enim & *RATAS XII* interjacent apud Antoninum milliaria, totidemque fere inter *Leicestriam*, & hunc locum. Hodiernum etiam nomen *Burrow* à *Burgh* promanavit, quod Saxonibus loca munita denotavit. Sed quod maximum est, eo ipso loco collis undique præceps nisi ad Euroaustum attollitur, in cujus summo, oppidi diruti manifesta sunt vestigia, duplex fossa & ipsorum mœnium tractus, quæ octodecim plus minus jugera includunt. Nunc autem ager est restibilis, & re nulla æque celebris, quam quod hic gymnica quotannis exerceat juvenus circumvicina. Magnum aliquod Gentilium Deorum fanum extitisse eo loci ex nomine quis conjectet. *VERNOMETVM* enim antiqua Gallorum lingua, quæ eadem fuit cum antiqua Britannorum sonat *Fanum ingens*, ut plane docet de Vernometo Galliæ oppido his versibus Venantius Fortunatus Libro Carmi-

Verno-
metum.
five Vero-
metum.

Vernome-
tum anti-
qua Gal-
lorum
lingua
quid.

Nomine Vernometum voluit vocitare vetustas,

Quod quasi fanum ingens Gallica lingua sonat.

Burton autem cognominatum *Lazars*, à *Lazar* retis (sic Elephantiacos, five leprosos vocarunt) Nosocomium erat, five Hospitium opulentum, cujus præfecto omnes Lazaretorum in Anglia ædiculæ quodammodo suberant, ut ille præposito Lazaretorum Hierosolymis. Primis Normannorum temporibus collecta per Angliam stipe (*Mowbrays* præcipuam opem ferentibus) constructum ferunt. Quo tempore lepra, quæ nonnullis Elephantiasis, gravissime vi contagionis per Angliam serpsit. Tunc enim creditum est morbum illum primum ex *Ægypto* in hanc insulam demigrasse, qui subinde se in Europam profudit, primum Pompeji Magni ætate, postea sub Heraclio, & alias, ut ex historiis videre liceat, sed nunquam, quod legerim, ante illa tempora, in hanc insulam irrepit. Verum præter hæc celebriora loca, omittenda non est prope hanc *Burton*, *Melton*, *Mowbray* forum à *Mowbrays* olim Dominis denominatum, ubi nihil magis conspicuum quam templum speciosum, & remotius ad Austum *Skeffington*, quæ ut claræ familiæ nomen impertiit, ita vicissim ab illa claritatem accepit.

Burton
Lazars.

Lepra in
Anglia.

Melton.

Skeffin-
ton.

Comitibus suis viris longe clarissimis insignis semper erat hæc Leicestrensis provincia. Cumque hæreditarios habuerit Saxonico tempore Comites, eos sua serie primum enumerabo, ut Thomas *Talbot* rei antiquariæ peritiffimus è re-
giis archivis mihi descripsit. Æthelbaldi Merciorum Regis tempore anno nostræ Salutis re-

Comites
Leice-
stria.

LIII

stau-